

## Die Apostoliese Geloofsbelydenis

### Of: Twaalf Artikels Van Die Algemene Ongetwyfelde, Christelike Geloof.

*Die Christelike Kerk noem hierdie Belydenisskrif die Apostoliese Geloofsbelydenis, alhoewel die apostels dit nie opgestel het nie. Reeds vanaf die 2de eeu het dit ontstaan gehad en het verder ontwikkel totdat dit ongeveer die vierde eeu sy finale beslag gekry het (NGB, art. 9).*

Ek glo in God die Vader, die Almagtige, die Skepper van hemel en aarde;  
en in Jesus Christus, sy eniggebore Seun, ons Here;  
wat ontvang is van die Heilige Gees, gebore uit die maagd Maria;  
wat gely het onder Pontius Pilatus, gekruisig is, gesterf het en begrawe is.  
Hy het die lyding van die hel ondergaan<sup>1</sup>;  
wat op die derde dag opgestaan het uit die dood; opgevaar het na die hemel  
en sit aan die regterhand van God, die almagtige Vader,  
waarvandaan Hy sal kom om die lewendes en die dooies te oordeel.  
Ek glo in die Heilige Gees;  
Ek glo aan 'n heilige, algemene Christelike kerk,  
die gemeenskap van die heiliges;  
die vergewing van sondes;  
die opstanding van die liggaam en 'n ewige lewe.

---

<sup>1</sup> Sinode 2009; Voorheen: “en neergedaal het na die hel”; “wat die angste van die hel tot in die dood ondergaan het” (Sinode 2003)